

# ثابرات وِسِّ ثناین ن بُولوس اِ اِکُورِبِنشِین

## اَسُدْجِم

1 بُولوس، اَمَازان ن یِشُو لَمَسِیح علاَحساب زُخاضارن اَرَبِّي ذِ ثاوَماتِ یِشوِیو، اِ  
ثَمَسْمُونت ن اَرَبِّي نَتِّي اِ اِچانِ ذِي كُورِبِنشِوس اَك-ذِ مارا اِمَقْداسن اِنِّي اِ اِچانِ ذِي  
مارا اِخايا: تَعِمَتِ خاوم ذِ زُهنا زِي اَرَبِّي بابائِنغ وُ زِي سِيذِي یِشُو لَمَسِیح.

## اَرَبِّي ن مارا اَسْفُوج

٣ لباراكا اَقات اِ اَرَبِّي، ثاباباث ن سِيذِي نغ یِشُو لَمَسِیح، ثاباباث ن اَرَحْمَتِ ذِ  
اَرَبِّي ن مارا اَفُوج، ٤ وُي خانغ اِسْفُواجنِ ذِي مارا زُحْصارتِ نغ، حِيما خَنِّي نَقْد  
اَذِ نَسْفُوجِ خِ اِنِّي اِ اِچانِ ذِي مامَشِ ما زُحْصارتِ سِ وُفُوجِ اِ زِي نَتواَسْفُوجِ نَشِينِ  
سِ يِخْفِ نغِ زِي اَرَبِّي. ٥ مِينِزِي اَمَنِ اِفِيضِ ذانِبغِ اَوْدَبِ ن لَمَسِیح، اَمُو اِفِيضِ عاوذِ  
وُفُوجِ نغِ سِ لَمَسِیح. ٦ ماشا مازا حِصارتِ نغ، اَقا مان اِيا اِ وُفُوجِ ذِ وُسْنَجْمِ نَوْمِ اِنِّي  
اِ ذِ غا ياوِينِ زَعِيدِچَتِ نَسِنِ مازا كَنِيوِ عاوذِ ثَكْسِيْمِ اَوْدَبِ اَمَشْناوِ ذِ نَكْسِييِ وُزِاِ ذِ  
نَشِينِ، نِيغِ مازا نَتواَسْفُوجِ اَقا مان اِيا اِ وُفُوجِ ذِ وُسْنَجْمِ نَوْمِ عاوذِ. ٧ اَسِيْمِ نغِ اِ كَنِيوِ  
اِمَشِنِ، مِينِزِي نَسِنِ، بَلِي اَمَشْناوِ ثِشارِشْمِ ذِكِّ وُودَبِ، اَمُو اِ غا ثِشارِشْمِ ذِكِّ وُفُوجِ.  
٨ مِينِزِي وارِ نَحْصِ شِا، اِ اَوْماتِنِ، اَذِ نَجْهَزْمِ خِ زُحْصارتِ نغِ اِ خانغِ اِكِينِ ذِي اَسِييا،  
اَقا ثِكا خانغِ اَنكاَرُوِ سَنَجِ خِ تَرْمارِ نغِ، اِزَامِي عِزاحازِ نَقْضِعِ زاياسِ زِي تُوذارتِ نغِ،  
٩ واه، نَشِينِ سِ اِخْفِ نغِ تُوغا نَحْسَبِ بَلِي اَذِ خانغِ اِتواَحْكَمِ سِ زَمُوْتِ، حِيما وارِ  
نَتِيْقِي شِا ذِكِّ اِخْفِ نغِ، ماشا ذِي اَرَبِّي وُي دِ اِسْنِكارانِ اِمْتِينِ. ١٠ نَتا اَقا اِفْكَ اِنغِ  
زِي زَمُوْتِ ثامقِراتِ وُشا اِنْفِكا اِنغِ وُشا نَشِينِ نَتِيْقِ ذابَسِ بَلِي اَذِ اِنغِ اِفْكَ عاوذِ،  
١١ اِزِي كَنِيوِ عاوذِ اَذِ اِنغِ ثِعاونمِ سِ ثِواذِچِيْتِ نَوْمِ، حِيما اَذِ قاذنِ اَطاسِ خِ سَبِيْتِ نِ  
مِينِ ذِ اِنغِ اِمُوَشِنِ زِكِّ واطاسِ.

## اَبْدَرَن وُسافارَن بُولوس

<sup>12</sup> مينيزي وا ذ اَسْمَعَار نَع، شهادتَن ن تَنْفَسْث نَع، بلي اَقا-نَع نوُبور ذي دُونِيْث س رَصْفَايْت ذ تاز دُوَسْجِي ن اَرَبِّي، وار اِدْجِي س ثِيغَرِيْث ن وَيُسوم، ماشا س نَبِعْمْت ن اَرَبِّي وُشا ذ اَمَزوارو اِ كَنبو. <sup>13</sup> مينيزي وار ذ اوم نوَري وُزا ذ اِشْت ن ثَمَسْرَاشْت مُغَبِر مِين تَقَارَم وُشا عاوَد تَفَهْمَم، اِوا سَيِيْمَع اَذ تَفَهْمَم اَز اَنكَارو، <sup>14</sup> اَم مامَش عاوَد نَسْنَم زَايِنَع دُرُوس، بلي اَقا-نَع ذ اَسْمَعَار نَوْم، اَمُو عاوَد كَنبو ذ اَسْمَعَار نَع ذَك واسَن ن سِيذِي يَشو. <sup>15</sup> ذِي زامان-ا تُوغا حَسْغ اَذ غاروم-د اسغ زِيْش، حِيما اَذ غاروم تِيْزِي اِشْت ن ثَمُوْشِي ن نَبِعْمْت اِ تَوازا نَضْنِيْث <sup>16</sup> وُشا تُوغا كَنبِع اَذ عَدُوْغ خ تَشْدِيْث نَوْم غار ماسِيْدُونِيْيا، حِيما اَذ غاروم-د عَقْبِع عاوَد زِي ماسِيْدُونِيْيا، حِيما كَنبو اَذ ابي تَسَقَبْضَم غار ياهُوْذِيْيا. <sup>17</sup> ما زامي تُوغا عَوَزْغ اَذ كَنغ مان اَيَا، ما قَدَجْعَق؟ نِيْغ مِين خارصغ اَذ ت كَنغ، ما خارصغ ت علاْحَسَاب اَيُسوم، اَحْمِي ذ 'واه-واه' اِنُو ذ 'لا-لا'؟ <sup>18</sup> اَقا اَرَبِّي ذ اَصْدِيْق اِ يَدْجَا، اَواز نَع اِ كَنبو وار اِدْجِي 'واه' وُزا ذ 'لا'. <sup>19</sup> مينيزي مَيَس ن اَرَبِّي، يَشو لَمَسِيْح، وْتِي اِ زِي اِتَوا بَارْح جاراوم زَايِنَع، زَايِي ذ زِي سِيْلَبانُوس ذ زِي تِيْمُوْشِيُو، اَقا نَتَا وار اِدْجِي ذ 'واه' وُزا ذ 'لا'، ماشا 'واه' ذَايَس اِ يَدْجَا. <sup>20</sup> مينيزي مَشْحاز مَّا ن زُوْعُوذ ن اَرَبِّي اِ اِدْجَان، اَقا ذَايَس اِدْجَا ذ 'واه'، خ وُيْنِي زَايَس عاوَد اِدْجَا ذ 'امِين' اِ وُغُوذْجِي ن اَرَبِّي. <sup>21</sup> وْتِي ذ انغ اِضْمَن اَكِيْدُوم ذِي لَمَسِيْح وُشا اِذْهَن اَنغ، نَتَا ذ اَرَبِّي، <sup>22</sup> وْتِي اِكْتِيْن خانغ عاوَد اَشْمَع نَس وُشا اِوشَا اَنغ اَرُوْح ذ زَعَارَبُون ذَك وُزاوَن نَع. <sup>23</sup> ماشا نَش تَرَاغِيْع اَرَبِّي ذ اَشْهَاد خ زَعْمَار اِنُو، وُيْمي تُوغا-يِي ذ اَحْبِيْن خاوم، زامي وار د وُسِيْغ تَوازا نَضْنِيْث غار كُورِيْنُوس. <sup>24</sup> وار اِدْجِي خَنِي ماحنْد اَذ نَصْلَطْ خ لَإِيْمَان نَوْم، ماشا نَشِيْن ذ اِخْدَامَن اِ زَفْرَاْحْت نَوْم، مينيزي زِي لَإِيْمَان تَبْدَم تَمْتَم.

2 اذْكَا اَقا كَنبِع ت، اَقا وار غاروم-د وُسِيْغ تَوازا نَضْنِيْث س وَشْضَان. <sup>2</sup> مينيزي مازا زَعْمَا نَش سَقُوْكَمَع كَنبو، وِي خَنِي ذ ابي اِ غَا اِسْفَارْحَن مُغَبِر وْتِي اِ ذِي كَنبِع اَفُوْكَم؟ <sup>3</sup> وُشا وُريْغ اوم-د نِيْشان مان اَيَا، حِيما نَش، خَمِي اِ د غَا يابوَضَع ذِيْن، وار تَوا سَقُوْكَمَع شَا زَك اِنِي اِتْخَصَا اَذ زَايَسَن فَارْحَغ. اَقا تِيْقَع ذَاوِم مَارَا، بلي زَفْرَاْحْت اِنُو، اَقا-ت ذ زَفْرَاْحْت نَوْم مَارَا. <sup>4</sup> مينيزي نَش وُريْغ اوم-د ذِي زَحْصَارْت تَمْغَار اَطَّاس وُزا س وُز يارْجَفَن وُس واطَّاس ن اِمْطَاوَن، وار اِدْجِي حِيما اَذ تَفُوْكَم، ماشا حِيما اَذ تَسْنَم تَايْرِي اِ غَارِي اِ كَنبو س وُفِيْض.

### سماحت اِ وُمدنوب

<sup>5</sup> ماشا مازا دین وِتی اِسْفُوکْمَن، نَتا وار ذ اِیِ اِسْفُوکْم وَاها، ماشا - زک اِج ن وُغزْدِیس ماحنذ وار ث قَارغ س جَهْذ - اِ کُنِیو مازا. <sup>6</sup> شفا یاس اِ واینِشا، اَقا اَزین اَمَقْران زایوم تُوغا اِوِبْخ اِث، <sup>7</sup> اَمُو خَنی اِتْخَصَّ اوم زَخُو اذ اس نَسامحُم وُشا اذ خاس نَفْوَجْم، جِیما وار خاس یارنِی وُفُوکْم اَز اَنکَاوُ. <sup>8</sup> خ وُیْنی زاوُکغ کُنِیو ماحنذ اذ اس نَسَبْشَم ثایری، <sup>9</sup> مینِزی عاوذ اِ مان اِیا وُریغ اوم-د، جِیما اذ سَنغ مامش اِ دِچا زُخاضار نوم، ما نَطْاعَم ذِی مازا. <sup>10</sup> وِتی وُمی نَسامحُم، نش عاوذ اذ اس سامحغ. مینِزی مازا تُوغا دین خ مِیخف سامحغ، مِیخف وُمی سامحغ، سامحغ ث ذِی طوع نوم قِیباَتِش اِ وُدم ن لَمْسِیح، <sup>11</sup> جِیما خَنی شِیطان وار ذائِغ اِضَماع، مینِزی وار نَجَهْز اِخارِیصن نَس.

### اِمسَخارن اِ زَعاهدن جَدید

<sup>12</sup> خَنی زامی د اِوُضغ غار نُرُوواس جِیما اذ بارحغ س زُخبار اَصْبَحان ن لَمْسِیح وُشا تَنورزم اِیِ-د تَوَارث ذِی لَمْسِیح، <sup>13</sup> تُوغا وار اَرِیغ شا ذِی اَرُوْج اِنُو، مینِزی وار وُویغ شا وُما نِیئوس. ماشا مَسْبِیغ خاسن وُشا وُیورغ غار ماسِیذونِیبا. <sup>14</sup> ماشا اَقا ذِی اِرْبِی وِتی ذ انغ-د اِتاوِین اَعْلَب ذِی لَمْسِیح زَبْدا وُشا اِسشان زانِیغ زَفواحت ن تُموسنا زایس ذِی مازا اِموشان. <sup>15</sup> مینِزی اِرْبِی نَدِچا ذ اِشْت ن زَفواحت اِشنان ن لَمْسِیح اِ اِنِی اِعا اِتواسنِجمن وُشا اِ اِنِی اِعا اِتواهلکن، <sup>16</sup> اِ ذِکَا ذ صاه ذ اَرِیحت ن زَمُوْث اِ زَمُوْث وُشا اِ ذِکْن ذ زَفواحت ن تُوذارث اِ تُوذارث. ماشا مان ون ذ اس اِقْدن اِ سُوْق-ا؟ <sup>17</sup> مینِزی وار نَدِچِی اَنْشْت وُبارُو اِنِی اِتسَبابن س وَاواز ن اِرْبِی، ماشا نَسِیوَر ذِی لَمْسِیح س زَصفاِث اَمشناو زِی اِرْبِی قِیباَتِش اِ اِرْبِی.

**3** اما اذ نَبْدا تاوازا نَضْبِی اذ نَسْمِغار ذِک اِخف نَغ نِیغ نَحْداج، اَم شا نَضْبِی، نِیبرائین ن وُوصِی اِ کُنِیو نِیغ نِیبرائین ن وُوصِی زایوم؟ <sup>18</sup> اَقا کُنِیو ذ ثابرات نَغ اِ یوران ذِک وُزاوَن نَغ، اِتواسن وُ اِتواسغارن زک اِوُدان مازا، اَم تَمزام بَلِی اَقا کُنِیو ذ ثابرات ن لَمْسِیح اِ اِتواکَن زِی زُخْدَمْت نَغ، ثابرات یوران، وار نَدِچِی س سَمخ ماشا س اَرُوْج ن اِرْبِی اِدارن، وار نَدِچِی ذِی تَرُوِجین ن وُزرو ماشا ذِی تَرُوِجین ن وِسُوم ذِک وُزاوَن. <sup>19</sup> اَقا غارنغ تِیْقَت-ا ذِی اِرْبِی زِی لَمْسِیح. <sup>20</sup> وار نَزَمار س اِخف نَغ اذ نَحسب شا ن زَحاجت اَخْمِی د تُوَسا زانِیغ، ماشا تِیْرَمار نَغ تُوَسِی-د زِی اِرْبِی، <sup>6</sup> وِتی د انغ یارین ذ اِمسَخارن اِ زَعاهدن جَدید، وار اِ دِچِی ن زَحارف، ماشا ن اَرُوْج، مینِزی زَحارف اِنَق، ماشا اَرُوْج اِسندار.

### اَعُوذَجِي ن زَعَاهَد ن جَدِيد

7 وُشَا مازَا ثُوغَا زَخْدَمْت ن نَسَخَارْت ن زَمُوْت اِ اِتُوأَخْبِشْن س بِيْرَا ذَك اِزْرَا س  
وانشْت وُعُوذَجِي مَاحَنْد نَارُوَا ن اِسْرَائِيل وار زَمَارَن اَذ سَوْضَن غَار وُذَم ن مُوسَى خ  
سَبِيْت ن وُعُوذَجِي ن وُغَمْبُوْب نَس، وَاخَا اَعُوذَجِي نِي اِعْدُوْن، 8 مَشْحَازْ كَثَار اِ غَا  
بِيْرِي نَسَخَارْت ن اَرُوْح ذَك وُعُوذَجِي؟ 9 مِينْزِي مازَا نَاسَخَارْت اِ اِنْدَهْن غَار لِحِيْسَاب  
ثُوغَا-ت س وُعُوذَجِي، مَاهُو عَاذ نَاسَخَارْت اِ اِنْدَهْن غَار نَسْكَدَا اَذ د ثَاوِي اَعُوذَجِي اَز  
اَفِيض. 10 اَمُو، اَقَا مِين اِدْجَان اِتُوأَسْعُوذَجِن، وار اِتُوأَسْعُوذَجِي شَا ذَك وُذَم ن وُعُوذَجِي-  
يَا اِ خَاس اِعُوذَجِن. 11 مِينْزِي مازَا مِين اِعْدُوْن ثُوغَا غَارَس اَعُوذَجِي، مَاهُو مِين اِقِيْمَن اَذ  
غَارَس بِيْرِي وُعُوذَجِي. 12 س وُيْنِي، مازَا غَارَنْغ اَسِيْشَم اَم وَايِنثَا، خَنِي نَسَاوَاز س وَاطَاس  
ن ثُرِيَاسْت، 13 وار نَتَكْ شَا اَمَشْنَاو مُوسَى، وَنْي اِكْنِ لَنَام خ وُذَم نَس مَاحَنْد نَارُوَا ن  
اِسْرَائِيل وار سَكُوْضَن شَا غَار وُنْكَار ن مِين اِ غَا اِعْدُوْن. 14 مَاشَا اِخَارِيصَن نَسَن دُوْرَن  
قَسْحَن، مِينْزِي اَز اَس-ا اِتِيْعِيْمَا لَنَام ذ اِجَن خ تِيْغَرِي ن زَعَاهَد اَقْدِيْم نَبْرَا مَآ اَذ اِتُوَاكْس،  
مِينْزِي اَذ اِتُوَاقْرَع ذِي لَمْسِيْح. 15 مَاشَا اَز اَس-ا، خَمِي اِ ذ غَا غَارَن زِي مُوسَى، لَنَام  
اَقَا-ت خ وُر نَسَن، 16 مَاشَا خَمِي اِ د غَا اِدُوْرْ حَد غَار سِيْذِي، لَنَام اَذ اِتُوَاكْس. 17 اَقَا  
سِيْذِي ذ اَرُوْح وُشَا مَانِي اِدْجَا اَرُوْح ن سِيْذِي، اَقَا ذِيْن بِيْرِي لِي. 18 وُشَا مَارَا نَشِيْن، اِنِّي  
س وُغَمْبُوْب وار اِرْحَنَن اَخَمِي نَحْرَار اَعُوذَجِي ن سِيْذِي اَخَمِي ذِي تِيْسِيْث، اَقَا نَتُوَابْدَز  
زَك وُعُوذَجِي غَار وُعُوذَجِي غَار صِيْفْت ذ اِشْتَن س اَرُوْح ن سِيْذِي.

### زَكْنُوْر ذِي زَقْشُوْع ن تَرَاخْت

4 اِخ وُيْنِي وُيْمِي غَارَنْغ زَخْدَمْت ن نَسَخَارْت نْتِي اِ ذ اِنْع اِتُوَاكْن زِي اَرْحَمْت، وار  
نَخْسَار شَا وُزَاوَن، 2 مَاشَا اَقَا نَنْضَار تِيْمَسْتَرَايِن اِنُوْفَارَن اِسْحِشِيْمَن، وار نَكُوْر شَا  
س نَحْرَايْمَشْت وُ عَاوْذ وار نَنْزُوَار شَا اَوَاز ن اَرْبِي، مَاشَا، اَم نَارَزَم نَاوَارْت ن ثِيْدَت، اَقَا  
نَتُوَصَا اِخْف نَغ اِقَاع تَانْفَسَشْت ن اِوْذَان زَاث اِ اَرْبِي. 3 مَاشَا مازَا زَخْبَار اَصْبِحَان نَغ  
عَاذ اِنُوْفَار، اَقَا اِنُوْفَار خ اِنِّي اِ غَا اِوْدَارَن، 4 اِكَاْفَرِيُوْن اِنِّي اِسْتَارَعَز اَسَن اَرْبِي ن يِيضَا زَعَقْر  
نَسَن، حِيْمَا خَنِي وار خَاسَن ثَارَقْ طَبَا ن زَخْبَار اَصْبِحَان ن وُعُوذَجِي ن لَمْسِيْح وَنْي  
اِدْجَان ذ صِيْفْت ن اَرْبِي. 5 مِينْزِي وار نَتْبَارْح شَا اِخْف نَغ، مَاشَا سِيْذِي يَشُو لَمْسِيْح وُ  
نَشِيْن س اِخْف نَغ ذ اِسْمَعَان نُوْم ذِي طُوْع ن يَشُو. 6 مِينْزِي اَرْبِي ذ وَنْي اِنَان ”اَذ نَتَقَار  
نَفَاوْت زِي تَاَدْجَسْت“، اَقَا ذ وَنْي اِسْرُوْغَان وُزَاوَن نَغ، حِيْمَا اَذ اِنْع اِسَارْغ س ثَمُوْسَنَا  
ن وُعُوذَجِي ن اَرْبِي ذَك وُذَم ن يَشُو لَمْسِيْح.

<sup>7</sup> ماشا غارنغ زَكَنزا- ذِي زَقَشُوع ن تَرَاخْت، جِيما خَنِّي اُمُوْمُو ن جَهْدَ اَذ يِيْزِي ن اَرَّبِي، وار اِدْجِي زَايِنِغ، <sup>8</sup> خَنِّي اَقَا نْتَوَايِيَار ذِي مَارَا، عَاذ وار نْتَوَاخْصَار شَا، اَقَا- نِغ ذِي زَحِيْرَا ماشا وار نَارْحُو شَا زَكْ وُيْسِيْم، <sup>9</sup> ذَارْتَن خَانِغ ماشا وار نْتَوَاچِ ذِيْنِي وَحْدِنِغ، اَقَا نْتَوَاهْتَك ماشا وار نْتَوَاهْلَك. <sup>10</sup> اَقَا نَارْبُو زَمُوْت ن سِيْذِي يَشُو زَبْدَا ذِي اَرِيْمْت، جِيما وُزَا ذِ تُوذَارْت ن يَشُو اَذ تَتَوَا سَظْهَار ذِي اَرِيْمْت نِغ. <sup>11</sup> مِيْنِزِي نَشِيْن، اِنِّي اِدَارِن، اَقَا نْتَوَا سَلَم زَبْدَا اِ زَمُوْت ذِي طُوْع ن يَشُو، جِيما خَنِّي تُوذَارْت ن يَشُو اَذ تَسَظْهَار ذِكْ وَيَسُوْم نِغ اِتْمَتَان. <sup>12</sup> اُمُو خَنِّي زَمُوْت نَحْدَم ذَايِنِغ، ماشا تُوذَارْت ذَايُوْم. <sup>13</sup> ماشا اَم غَارنِغ اَرُوْح ن لايْمَان ذِ جِج اَم مَامَش تُورا ”اَقَا وُْمِنِغ، خ وُيْنِي سَوْرَغ“، اَقَا نْتَاْمَن نَشِيْن عَاوَد، خ وُيْنِي نَسَاوَاژ عَاوَد. <sup>14</sup> نَسَن بَلِي وِنِي اِ ذِ اِسْتِنْكَارِن سِيْذِي يَشُو، اَذ اِنِغ اِسْتِنْكَارِ عَاوَد اَك-ذ يَشُو وُشَا اَذ اِنِغ اِكْت اَكِيْدُوْم زَاتَس. <sup>15</sup> مِيْنِزِي مَارَا تِيْمَسْرَايِن-ا تَوَاكْنْت ذِي طُوْع نُوم، جِيما اَذ ثَارنِي نِيْعْمْت اِ وَاطَاس، وُشَا اَذ اِدُوْر وُفِيْض ن وُفَاذِي اِ وُغُوْدْجِي ن اَرَّبِي.

<sup>16</sup> خ وُيْنِي وار نَحْسَار شَا وُزَاوِن، وَاخَا اَمْنِي بِنَادَم نِغ ن بَارَا اِتْوَاهْلَك، اَقَا بِنَادَم ن ذَاخِر اِذَاكُوْر اِ ذِ جَذِيْد زَكْ وَا سَ غَار وَنْظِي. <sup>17</sup> مِيْنِزِي رَحْصَارْت اِفْسُوْسِن ن وار مَاش ن وَا بَرِيُو، تَتَاوِي اِنِغ-د اِج ن زَقْد ن وُغُوْدْجِي اِ اِكْلاَعْدَن مَارَا س وَاطَاس اِ زَبْدَا، <sup>18</sup> اَم وار نَحْسَب شَا مِيْن اِتْوَا زَان ماشا مِيْن وار اِتْوِيْزِيْن، مِيْنِزِي مِيْن اِتْوَا زَان اَقَا اِ اِشْت ن زُوْقْت وَاها، ماشا مِيْن وار اِتْوِيْزِيْن اَقَا-ث اِ زَبْدَا.

ثَا زَدِيْغْت نِغ ذِكْ وُجْنَا

**5** مِيْنِزِي نَسَن، بَلِي، خَمِي اِ غَا تَتُوَارْدُجْ وُفِيْضُوْن نِغ اِ ذِي نَزْدَغ ذَايِنَا ذِي تَمُوْرْت، اَذ غَارنِغ يِيْزِي اِج ن زَبْنِي ن اَرَّبِي اِ زَبْدَا ذِكْ وُجْنَا، اِشْت ن نَاذَارْت وار تَتَوَاكْت شَا س اِفَاسَن. <sup>2</sup> خ مان اَيَا نَزْهَار، اَم ذَايِنِغ مَوْرِي جِيما اَذ نْتَوَايَارِض س تَزْدِيْغْت نِغ تَنِي اِدْجَان زَكْ وُجْنَا. <sup>3</sup> مَاعَلِيْلِكَ قَاع اِ غَا نِيْزِي نِيَارِض، وار اِدْجِي ذِ اِعْرِيَانِن. <sup>4</sup> مِيْنِزِي وُزَا ذِ نَشِيْن، اِنِّي اِزْدَعْن ذِكْ وُفِيْضُوْن، اَقَا نَزْهَار اَخْمِي خَانِغ صَقْر، مِيْنِزِي وار نَحْس اَذ نْتَوَاعَا رَا ماشا نَحْس اَذ نِيَارِض، جِيما مِيْن اِفْتَان اَذ اِتْوَا صَارْدِ زِي تُوذَارْت. <sup>5</sup> وِنِي اِ ذِ اِنِغ-د اِسْوَجْدِن اِ مَان اَيَا ذِ نَتَا ذِ اَرَّبِي وِنِي اِ ذِ اِنِغ اِوَشِيْن اَرُوْح ذِ زَعَارْبُوْن.

<sup>6</sup> خ وُيْنِي غَارنِغ تِيْقْت زَبْدَا، وَاخَا نَسَن خَنِّي مِيْن غَا نَكْ نَزْدَغ ذِي اَرِيْمْت، اَذ نِيْزِي نَكُوْجِ خ سِيْذِي، <sup>7</sup> مِيْنِزِي س لايْمَان اِ نَكُوْر، وار اِدْجِي س مِيْن اِتْبَانِن. <sup>8</sup> ماشا

نَتِیقًا وُشا ذائِغ مَزْرِي، مَزِي نُوفَا، ماحنْد اَذ نَسْمَح ذِي اَرِّيْمَث جِيْمَا اَذ نَزْدَغ اَك-ذ-سيْذِي. <sup>9</sup> خ وُيِّي نَتَشَطَّار ذائِغ مَزْرِي جِيْمَا اَذ اَس اَرْضَان، مَا نَدْجَا ذِي ثَادَارْث نِيغ نَكْجُج خ ثَادَارْث. <sup>10</sup> مِيْنَزِي اِنْخَصَّ اَنْغ مَارًّا اِذْنَع اَذ نَضْهَار زَاث اِ زُكُورِسي ن زَعَارْش ن لَمَسِيح، جِيْمَا كُورْز اِجْن اَذ اِطْف علاْحَسَاب مِيْن اِكْا زَامِي ث ثُوغَا ذِي اَرِّيْمَث، ثُشُونِي نِيغ ثُوغَعْنَا.

### ثاسخارث ن وِضْرَاح

<sup>11</sup> اَم نَسْن خَيِّي ثِيكُودِي ن سيْذِي، اَقَا نَسْقَع اِوْذَان، ماشا غار اَرِّي اَقَا نَشِين نَتَوَاسْن غارَس وُشا سَبِيْمَغ اَقَا نَتَوَاسْن غَارُوم عاوْذ ذِي ثَنَفْسَث نُوْم. <sup>12</sup> وار نَتَوَصِّي شا اِخْف نَع ثاوَازا نَضْبِي، ماشا اَذ اوم نُوْش لُفُورِصَا اِ وُسْمَعَار ذائِغ، جِيْمَا اَذ غَارُوم يِيْزِي مامْش د غا ثارْم خ يِّي اِسْمَعَارَان ذِي مِيْن اِتْبَانِن، وار اِذْجِي ذِي مِيْن اِذْجَان ذَكْ وُز. <sup>13</sup> مِيْنَزِي مازَا ثُوغَا نَتَخْرَف اَقَا مان اَيَا اِ اَرِّي، مازَا ثُوغَا-نغ س زَعَقْر اَقَا مان اَيَا اِ كَنْبُو، <sup>14</sup> مِيْنَزِي ثايرِي ن لَمَسِيح ثَعَارْن اَنْغ، خَنِّي نِيوِض-د غار مان اَيَا: مازَا اِجْن اِمُوْث خ مَارًّا، اَقَا مَارًّا ثُمُوْث. <sup>15</sup> اَقَا نَتَا اِمُوْث خ مَارًّا، جِيْمَا اِنِّي اِذَارِن، وار دَارِن شا عاْذ اِخْف نَسْن، ماشا اِ وُيِّي اِمُوْثْن وُزَا اِ وُيِّي د اِتَوَاسْنَكَارِن اِ نِيْشِي.

<sup>16</sup> اَمْنِي زِي سَا ذ نَسَاوَنَت وار نَسِين شا وُزَا ذ اِجْ علاْحَسَاب اَيُسُوْم. مازَا ثُوغَا نَسْن لَمَسِيح علاْحَسَاب اَيُسُوْم، زَخْدَنِّي وار اِتِيْزِي عاْذ اَمُو زَخُو. <sup>17</sup> خ وُيِّي مازَا حد ذِي لَمَسِيح اِ اِذْجَا، اَقَا نَتَا اِتَوَاحْرَق-د جَلِيْذ، خَنِّي مِيْن اِذْجَان ذ اَقْذِيْم اِعْدُو، خَرَار، اَقَا مَارًّا اِذُوْر ذ جَلِيْذ. <sup>18</sup> وُشا مَارًّا مان اَيَا يُوْسِي-د زِي اَرِّي وُيِّي اِ ذ اِنغ اِسْصَرَح اَكِيْذَس س لَمَسِيح وُشا اِوْش اَنْغ زَخْدَمَث ن ثَسْخَارْث ن وِضْرَاح، <sup>19</sup> مِيْنَزِي اَرِّي ثُوغَا اِسْصَرَاح دُوْنِيْث اَك-ذ-اِخْف نَسْ ذِي لَمَسِيح ذِي مَانِي وار د اَسْن اِخْسِيْب شا اِخْطَان نَسْن وُشا اِسَارَس ذائِغ اُوَاز ن وِضْرَاح.

<sup>20</sup> اَمُو اِ نَدْجَا ذ اِمْسَكَان ن لَمَسِيح اَخْمِي ثُوغَا اَرِّي اِزَاوْثْ خَانغ س يِيْسَم ن لَمَسِيح، رُوْحَم اَذ اِتَوَاصْرَحَم اَك-ذ-اَرِّي. <sup>21</sup> وُيِّي وار اِسِينِن شا دَانِب، اِكْ اِث ذ دَانِب اِ نَشِين، جِيْمَا اَذ نَدُوْر ذ ثاسْكَذَا ن اَرِّي ذايِس.

6 اَقَّا نَشِين، اَم كِيس نَحْدَم، نَزَاوَك كَنِيو حِيما وار ثَقَبَرَم شا نِيَعْمَث ن اَرَبِي باطر،<sup>2</sup> مِينِزِي اِقَار ”ذِي زُوَقَث ن اَرْضَا سَرِيغ اش وُشَا ذَكَّ وَاَس ن وُسُنْجَم وُسِيغ-د ماحنْد اَذْ شَك عَاوَنَغ“، خُتَار، اَقَّا ذَا رُخُو ذ زُوَقَث ن اَرْضَا، خُتَار، اَقَّا ذَا رُخُو ذ اَس ن وُسُنْجَم.

### ثامارا ذ رحساراث ا ذ اكين خ بولوس

<sup>3</sup> وار نِيَتِيَشْ شا تاسيع عَمَارَص ماحنْد اَذْ خَانَع كَسِين زَعِيْب، حِيما وار اِتْتَوَاشَقَفْ ذِي زُخْدَمَث ن تُسَخَارَث نَغ،<sup>4</sup> ماشا ذِي مَارَا نَتَوَصَا اِخْف نَغ اَمَشْنَاو اِمَسَخَارَن ن اَرَبِي: ذَكَّ وَاطَّس ن صَبَار، ذِي رَحْصَارَث، ذِي زَعْبِن، ذِي صِيَقَاث،<sup>5</sup> سَاوُ نِيَتِيَا، ذِي رَحْبُوسَاث، ذَكَّ وُغُوَوَغ، ذِي ثَامَارَا، ذِي دَجِيَايَزِي نَبْرَا اِضْص، ذَكَّ وُسَان ن وُزُومِي،<sup>6</sup> ذِي زُصْفَايَث، ذِي ثُمُوسِنَا، ذِي تاسيع ن رَحَاضَار، ذِي زُصْرَاَفَث، ذِي اَرُوح اِقْدَسِن، ذِي ثَايِرِي نَبْرَا نِيَفَاق،<sup>7</sup> ذَكَّ وَاوَاز ن ثِيذَت، ذِي جَهْد ن اَرَبِي، س زَسْنَاح ن تُسَكْنُذَا غَار وُفُوسِي ذِي وُزُزَمَاض،<sup>8</sup> س وُغُوْدَجِي ذِي دَدَج، س شَنْعَث نَاعَفَانَت وُ س شَنْعَث نَاصِبْحَانَت، اَمَشْنَاو اِغَكْوَاين وَاخَا اَمْنِي ذِي اِمْتِيَقِن اِنْدَجَا،<sup>9</sup> وار نَتَوِيَسِن وَاخَا اَمْنِي نَتَوَاَسِن، نَتَمْتَا وَاخَا اَمْنِي اَقَّا نَدَار، نَتَوَارَبَا س وُسَقْسَاح وَاخَا اَمْنِي وار نَتَوَاَنَغ شَا،<sup>10</sup> نَفُوكُم وَاخَا اَمْنِي نَفَارَح، ذِي اِمْرَاض اِنْدَجَا وَاخَا اَمْنِي اَقَّا نَتَبْجَار اَطَّس ن اِوْدَان، وُشَا وار غَارَنَغ شَا وَاخَا اَمْنِي اَقَّا غَارَنَغ كُوزِيَشِي. <sup>11</sup> اَقْمُوم نَغ اِنُورُزَم اِكْنِيو، اِكُورِينْتِيَن، وُزُ نَغ اِمْغَار اَطَّس،<sup>12</sup> كَنِيو وار نَتَوَاَحْصَارَم زَايَنَغ، ماشا نَتَوَاَحْصَارَم س ذَاخِر نَوْم. <sup>13</sup> رُخُو اَرْم-د س كِيْفِكِيْف، اَقَّا سَاوَازَغ اَحْمِي سَاوَازَغ اَك-ذ اِحْنَجِيرِن، سَوَسَعَم اِخْف نَوْم.

### وار ثُمونم شا ذك وُزايرو اِفارغن اَك-ذ لَكُوفَار

<sup>14</sup> وار ثُمونم شا ذك وُزايرو اِفارغن اَك-ذ لَكُوفَار، مِينِزِي مَان اَشْرَاش اِ غَار نَدَجَا غَار تُسَكْنُذَا اَك-ذ مِين اِدْجَان صِيْبَد ن تَاوَرَاث وُشَا حَتِي مَان ثَامُونَت اِ غَار نَدَجَا اِ ثُفَاوَت اَك-ذ نَاذَجِسْث؟ <sup>15</sup> مَان اَرُوَاَس جَار لَمَسِيح ذ بِلِيَاَر (=شَيْطَان) نِيَغ مَان ثَاشْغَارَث ن زُومُون اَك-ذ وُكَافِرِيو؟ <sup>16</sup> نِيَغ مَان ثَاَسْغُونَت اِ ذِين جَار نَاذَارَث اِقْدَسِن ن اَرَبِي ذ لاصْنَام؟ اَقَّا نَشِين ذ نَاذَارَث اِقْدَسِن ن اَرَبِي اِدَارِن، اَم مَامَش اِنَا اَرَبِي ”نَش اَذْ زَدْعَغ وُشَا اَذْ وُيُورَغ جَارَاَسِن وُشَا اَذْ اِزِيغ ذ اَرَبِي نَسِن، نِيَتِيَا اَذْ اِزِين ذ اَيْنُودُ اِنُو.“<sup>17</sup> خ وُيَتِي ”فَعَم-د زِي زُوسَط نَسِن، بَضَام خَاَسِن“، اِقَار سِيذِي وُشَا ”وار تَحَاذَام مِين

اِدْچان ذ اَمْنَكُوسْ، وَ نَش اَذ كَنِيو قَبْرَغ<sup>18</sup> وَ نَش اَذ اوم اِزِيع ذ باباثوم، كَنِيو اَذ اِيي  
تِيرِيم ذ اِحْجِرِين ذ يَسِي، اِقار سِيذِي وْتِي ذ اَمْرَمَار خ كُوزِشِي.

7 اِ اَمِعِيْزَن، اَرَامِي غارَنغ زُوْعُوذ-ا، جَم اَنغ اَذ نَسِيْزِدْخ اِحْف نَغ زِي  
مَارا زَحْمَج ن وَيُسوم ذ اُروح، اَذ نَكَمَر ناكْدَاسْت نَغ اَم نَكُورِ ذِي  
تِيكُوْذِي ن اَرَبِي.

### زَفْرَاْحْت ن بُوْلُوس

2حَم اَنغ اَمْشَان. وُزا ذ اِحْج وارت نشميث، وُزا ذ اِحْج وارت نغش، وُزا ذ اِحْج وارت  
زَايس نَسْتَنْفِيْع اِيزِي نَغ. 3 وارت قَارَغ حِيْمَا اَذ خَاوم حَكْمَغ، مِيْزِي اِزَارَغ نِيْغ، اَقَا  
كَنِيو ذَك وُز نَغ ماحنْد اَذ نَمْت جَمِيْع وُشا اَذ نْدَار جَمِيْع. 4 تَيْقَت اِنُو ذَايَوْم تَمْغَار  
وُشا اَسْمَغَار اِنُو خَاوم اِمْغَار. اَقَا-يِي شُورَغ س وُفُوْج، اَقَا زَفْرَاْحْت تَفِيْض ذَايِي ذِي  
كُوزِشِي زَحْصَارْت نَغ.

5 مِيْزِي زَامِي د نوسا غار ماسِيْذُونِيْيا، اَبْسوم نَغ وار يُوْفِي شا اَرَاْحْت، ماشا  
تُوْغا نَسْتَحِيْسِيْف زِي مَارا اِغْزِيسِن، زِي بَارا اَقَا ذِيْن اِمْشُوْشِن، زِي ذَاخِر اَقَا ذِيْن  
تِيكُوْذِي. 6 ماشا اَرَبِي، وْتِي اِسْفُوْاجِن خ اِمواضَعِن، اِسْفُوْج-د خَانِغ س تُوْاسِيْث ن  
تِيئوس، 7 وار اِدْچي س تُوْاسِيْث نَس وَاها، ماشا عاوذ س وُفُوْج اِ زِي تُوْغا نَتُوْاسْفُوْج  
زَايس اَكِيْذوم، وُمي ذ اِنِغ اِسارَكَب خ مَرِّي نوم ذ وشْضَان نوم ذ شْضَارْت نوم  
خَاْفِي اَز ذ ذُوْرَغ اَرِيْغ ذِي زَفْرَاْحْت عاذ كَنَار. 8 مِيْزِي، وَاخَا سْفُوْكْمَغ كَنِيو س  
ثَبْرَات اِنُو، وار نَذِيْمَغ شا، وَاخَا اَمْنِي نَذْمَغ. اَقَا زَرِيْغ بَلِي ثَابْرَات نِي تَسْفُوْكْمَغ اِكَنِيو،  
ماشَا تَعْدُوْ ذَغِيَا. 9 زُخُو فَاْرَحْغ، وار اِدْچي زَامِي تَتُوْاسْفُوْكْمَغ، ماشا وُمي اَفُوْكْمَغ يَارا  
كَنِيو غار تُوْبْت، مِيْزِي تَتُوْكْمَغ عِلَاْحْسَاب زَخَاْضَار ن اَرَبِي، حِيْمَا وُزا ذ اِشْت ن  
تَحْسَارْت وار كَنِيو تُوْقَف شا زَايِنِغ ذِي شا ن تَمْسَرَاشْت. 10 مِيْزِي اَفُوْكْمَغ وْتِي اِدْچان  
عِلَاْحْسَاب زَخَاْضَار ن اَرَبِي، اِنْدَه غار تُوْبْت اِ اِتاوِيْن غار وُسْتَجْم اِ وار خ اِنْدَم شا،  
ماشَا اَفُوْكْمَغ ن دُوْنِيْث اِتاوِي غار زَمُوْث. 11 ماشا خَرَار، مِيْن كَنِيو اِسْفُوْكْمَغ ذِي طُوْع  
ن اَرَبِي مَشْحَاز اِكَنِيو اِتْجَان ن شْضَارْت ذ وُذَاْفَع ن يِيْحْف نوم ذ وَاِزَام ن وُقْمُوْم  
ذ تِيكُوْذِي ذ مَرِّي ذ تُوْسْمِي ذ وُوبْخ! ذِي مِيْن ذِي مَّا اِنِغ-د اَقَا كَنِيو س اِحْف نوم  
ذ اِمَزْدَاك ذِي تَمْسَرَاشْت-ا. 12 خ وُيْنِي وَاخَا وُريْغ اوم-د، وار اِدْچي خ سِيْبْت ن  
وْتِي اِحْطَان نِيْغ خ سِيْبْت ن وْتِي وُمي اِ ذِي اِتُوَاكْ زَعِيْب، ماشا حِيْمَا اَذ خَاوم تَبَان

شضارث نَغ نثي غارنغ اِكنيو زاث اِ اَرَبِي. 13 خ وُيْنِي اَقَا نَتَواسفَوَج س وُفَوَج نُوْم  
 وُشا اَقَا نَفَارَح س وُفَيض زِي زَفْرَا ح ن ثِيئوس وُمي اَرُو ح نَس اِنَواسارِيح زايوم مارا.  
 14 مِينزِي مازا سَمغارِغ ذايوم شوايث غارس، اَقَا وار تَواسحشَمغ شا، ماشا اَم ذ اوم  
 ننا مارا ثِيذت اَمُو عاوذ اَسَمغارِغ غار ثِيئوس اَقَا اِنغ-د ثِيذت. 15 اَقَا تاحنُونش نَس  
 خاوم ثنارني اَطاس وُمي اِنفكارِغ ذِي طاعث نوم مارا، ذ مامش ت ثقبيرم س ثِيكُوذِي  
 ذ تارجِيحِيث. 16 فارحغ وُمي زمارغ اذ خاوم تشرغ ذِي مِين ذِي ما.

### اَسْمُونِي ن صَدَاقِي اِ اِمَقْدَاسِن ذِي وُرْشَالِيْم

8 اِخْتِي، اَ اَومائِن، نَسارَكْب اِكنيو نِعَمث ن اَرَبِي اِ اِموشِن اِ ثَمسُمُونِي ن ذِي  
 ماسِيذُونِيَا. 2 وُمي خاسن اِكا وُقَدَجِب ن زَحْصَارْث، نَفَيض زَفْرَا ح نَس وُشا  
 وُمي ذايِسِن زَرُض يُوذَجِن، يارني عاذ س واطاس اِ واكرا ن تَشْرِيْمث نَسِن، 3 مِينزِي  
 شَهذِغ، بلي نِيئِي طَوَعِن علاحساب جَهذ نَسِن وُشا خْتِي سَنج اِ جَهذ نَسِن،  
 4 وُشا زاوَكْن اِنغ س جَهذ ماحنذ اذ نَقْبِر تاشْرِيْمث ذ تَشْرِيْمث نَسِن ذِي زَحْذَمْث  
 ن تَسْخَارْث غار اِمَقْدَاسِن. 5 وُشا نِيئِي وار كَيْن مِين ثُوغا نَسِيئِيْم وَاها، ماشا،  
 س ثَمخسا ن اَرَبِي، اَقَا وُشِيْن اِخف نَسِن اَمزوار اِ سِيذِي، خْتِي وُزا اِ نَشِيْن. 6 خ  
 وُيْنِي نزاوَك ثِيئوس، اَمشناو مامش ثُوغا اِنذا قَبِر، جِيما اذ اِكْمَر غاروم تَشْرِيْمث-ا  
 ن صَدَاقِي عاوذ. 7 خ وُيْنِي - اَم نَفَيضَم ذِي مارا: ذِي لايمان، ذِك وَاواز، ذِي  
 ثَموسنا، ذِي مارا شضارث وُ ذِي ثايرِي نوم اِ غارنغ اِ دِجان - خْتِي فَيضَم عاوذ ذِي  
 تَشْرِيْمث-ا ن صَدَاقِي نوم.

8 وار سِيوِيغ شا اَمشناو وِي اِتامارِن، ماشا اَرزوغ اذ قَدَجِغ ثِيذت ن ثايرِي نوم  
 س شضارث ن اِنضِنِي. 9 مِينزِي اَقَا نَسْم نِعَمث ن سِيذِيئِنغ يَشو لَمْسِيح، بلي اِذوَر  
 ذ اَمزروُض ذِي طوع نوم، واخا ثُوغا-ث س واكرا، جِيما كنيو اذ نَدوَرْم ذ تَواجار  
 س زَرُض نَس. 10 اذ وُشغ اَرَاي اِنو ذِي مان اِيَا، مِينزِي اَقَا ذ نَفَاع اِ كنيو ماحنذ  
 وار تَكْم وَاها مِين ثِيذام اذ تَكْم وُ مَزُوم ذِك وُسْكُواس اِعْدُون، 11 ماشا عاوذ اذ ث  
 ثَكْمَرْم زُحو، جِيما، اَم مامش ثُوغا ذايوم مَزُوري، اَمُو عاوذ اذ ث ثَكْمَرْم علاحساب  
 مِين اِ دِجان غاروم. 12 ماشا مازا ذِين مَزُوري، اَقَا-ث اِتواجب علاحساب مِين غارس،  
 وار اِ دِجِي علاحساب مِين وار غارس اِ دِجِي. 13 مِينزِي وار اِتْرِيق جِيما اذ ذِين ثِيْرِي  
 زَفْساسْث اِ اِنضِنِي وُ خْتِي جِيما اذ خاوم سَضَقَرِغ، 14 ماشا جِيما اذ يِرِي زَمِيان ذِي  
 زَوَقْث-ا وُشا اذ اِعْمَر وُفَيض نوم زَعْبِن نَسِن وُشا اَفَيض نَسِن اذ اِعْمَر زَعْبِن نوم جِيما

خنيّ اذ يبزي زميزان. <sup>15</sup>أم مامش ثورا ”وتّي اسمونن أطاس، وار د اس اِشَطّ شا، ذ وتّي ثوغا اِبارون ذروس، وار ذابيس اِقيم رخصص.“  
<sup>16</sup>ماشاشا اِقادّي اِ اِربي وتّي اِكّين ذكّ وُز ن ثيُوس شضارث ذ اِشثن خاوم،  
<sup>17</sup>ميينزي، واخا ثوغا اِتواشجع زابي، اِقا يوسي-د غاروم زي شضارث نس تامقرانت.  
<sup>18</sup>وُشا نسلّ-د اِكيس ثاومث وتّي غار اِدجا وُوقار ذّي رخبار اِصبحان ذّي مارا  
 ثيمسُمونين. <sup>19</sup>وار اِدچي ذكّا واها، ماشا ثيمسُمونين فارزنت نتا عاوذ ذ اِمعاشار نغ  
 ذكّ وبريد اِك-ذ نثريمت-ا ن صداقي ثئي اِتواسيوض زانينغ اِ وُعودچي ن سيّذي  
 سيمانت نس وُ جيما اذ اِبان رخاصار نوم اِصبحن. <sup>20</sup>اُمُو اِ نسبَعذ خ ييخف نغ  
 ماحنذ وار ذ انغ اِذدجم حد مازا نسيار زمغارث اِفيضن ن صداقي-يا، <sup>21</sup>ميينزي مين  
 ذ انغ اِشقان اذ اِعدنو مليح، وار اِدچي واها قيباتپش اِ سيّذي ماشا عاوذ زاث اِ اِوذان.  
<sup>22</sup>نسلّ عاوذ اِكيدسن وُ مائغ، وتّي وُمي نقدچب شضارث نس اطاس ن ثوازين  
 ذكّ واطاس ن ثمسزايين وُشا رخوا اِتشطار كثار ميينزي نتا اِتشاز خاوم اطاس. <sup>23</sup>ما  
 ثيُوس وتّي ذ اِمعاشار اِنُو ذ اِخدام اِكيّذي غاروم نيغ ما اِثيماثغ، اِقا نيثني ذ اِمازانن  
 ن ثمسُمونين وُشا نيثني ذ اِعودچي ن لمسيح. <sup>24</sup>خنيّ سشتم اسن زاث اِ ثمسُمونين  
 لپورهان ن ثايري نوم ذ وُسمغار نغ ذابوم.

**9** ميينزي حسبغ بلي نهّزا ما وُريغ اوم-د خ رخدمت ن ثويزا اِ اِمقداسن، <sup>2</sup>ميينزي  
 سَنغ نيث نوم اِصبحن ميخف خاوم اِ غا سمغارغ جار اِنّي ن ماسييدونييا، بلي  
 اِخايا ثوغا ثوجذ زكّ وُسكّواس اِعدون وُشا شضارث نوم اِقا سنفاق اِزين اِمقران.  
<sup>3</sup>ماشاشا سَكغ-د اِوماثن-ا ماحنذ اِسمغار نغ ذابوم وار اِيتري شا باطر ذّي ثمسزاشث-ا،  
 جيما اذ اِثريم ثحزوم اُم مامش نيغ <sup>4</sup>ماحنذ نشين، ماحنذ وار ذابوم نقار، خمي  
 كيّذي اِ د غا ياسن شان اِماسييدونيين وُشا اذ كنيو افن عاذ وار ثحزوم، وار  
 نتواسحشيم وُمي نتكّ ذابوم وُسمغار وانيثا س اِشث ن تيقت اِبدن نيشان. <sup>5</sup>خ وُيني  
 وُفيغ اِلا اِتحصا اِبي اذ زيبارغ خ وِاوماثن ني، ماحنذ اذ غارون-د اسن ذ اِمزوارو  
 وُشا اذ سوجذن قبر لباراكان ن صداقي نوم ثئي اِ زي ثوغا ثنواعدم قبر، جيما اذ ثيري  
 صدقت-ا غار وُفوس اُم اِشث ن لباراكا، وار اِدچي اِخمي ت-يد كسن زي ثومشث  
 نوم. <sup>6</sup>ماشاشا ذكّا قارغ ”وتّي اِ غا اِزارعن س ثشطارث عاوذ اذ اِمجار ثاشطارث وُشا  
 وتّي اِ غا اِزارعن س ثشريمث، اذ اِمجار عاوذ س ثشريمث.“ <sup>7</sup>اذ اِكّ كوز اِجن  
 اُم مامش اِنوا ذكّ وُز نس، وار اِدچي س نغانت نيغ س وُغيّز، ميينزي اِربي اِتحس

وَتِي اِيتِيشَن س زَفْرَا حَت 8 وُشَا اَرَبِّي اَقَا اِزْمَار اَذ اوم اِوَش نِيَعْمَت س وُفِيض، جِيما زَبْدَا وُ ذِي مَارَا اَذ غَارُوم يِيزِي مِين تُخْدَا جِم وُشَا اَذ ثَارِنِيم اَطَّاس ذِي مَارَا زَخْدَمَت اِصْبَحَن، 9 اَم مَامَش ثُورَا ”اَقَا اِبْطَا، اِوَشَا اِ اِمْرَا ض، ثَا سَكُنْدَا نَس ثَنَغِيْمَا اِ زَبْدَا.“ 10 اَج اَذ يِيزِي وَتِي اِيتِيشَن زَارِيَعَت اِ وَتِي اِزَارَعَن وُزَا اَذ اَغْرُوم اِ مَاشَا، اَذ يَارِنِي ذِي زَارِيَعَت نَوْم وُشَا اَذ اِسْكَمَا زَغِيْدَجَت ن ثَسْكُنْدَا نَوْم، 11 مَاحِنْدَا اَذ نِيِزِيم ثَجَارَم ذِي مَارَا اِ مَارَا ثَا شَرِيْمَت ثَنِّي اِ كَامَن زَايِنَغ اَقَا ذِي اِ اَرَبِّي. 12 مِيْنِزِي زَخْدَمَت ن ثَكَهَانَت ثَانِيْنَا وَا ر ثُدَجِي وَا هَا ذِي طَوَع ن مِين اِنْقَصَن اِ اِمْقَدَّاسَن، مَاشَا ثَنَاوِي عَاوْذ غَا ر وَا طَّاس ن وُقَا ذِي اِ اَرَبِّي، 13 مِيْنِزِي س ثَقْدَجِبَت ن زَخْدَمَت-ا، اَقَا سَمَغَارَان ذِي اَرَبِّي زِي سَيِّت ن طَاعَت نَوْم ذِي طَوَع ن شَهَادَت نَوْم اِ زَخْبَار اَصْبَحَان ن لَمَسِيح وُزَا زِي سَيِّت ن ثَشْرِيْمَت ن ثَوِيْزَا نَوْم اِ نِيْشِي وُ اِ مَارَا 14 وُشَا اَذ خَاوَم زَادَجَن اَم كَنِيو وَحْشَن خ سَيِّت ن نِيَعْمَت اِفَارَزَن ن اَرَبِّي ثَنِّي اِ ذَاوِيْم اِ دِجَان. 15 تَقَاذ اِس اِ اَرَبِّي خ ثَمُوشِي ن نِيَعْمَت نَس اِ وَا ر نَزْمَار اَذ زَايِس نَنْطِق.

### اَذَا فَع ن بُولُوس خ تُسَخَارَت نَس

10 اِرْخُو نَش بُولُوس سِيْمَانَت اِنُو، زَاوَكْغ كَنِيو س ثَمُوهِيْنَت ذ زَضْرَا فَت ن لَمَسِيح، نَش ذ وَتِي اِ دِجَان ذ اَمْدُرُوز خَمِي حَضَارَغ، مَاشَا خَمِي اِ غَا غَا بِن اَقَا-يِي س ثَرِيَا سَت. 2 زَاوَكْغ كَنِيو، خَمِي كَنِيو اِ غَا حَضَارَغ، نَهْرَا مَا اَذ اِزِيغ س ثَرِيَا سَت نِّي قِيْبَانِشِن شا اِنِّي اِحْسِن اَقَا نَشِيْن نُوِيور اَحْمِي نَدْجَا ن وِيْسُوم. 3 مِيْنِزِي وَا حَا نَكُور ذَك وِيْسُوم ذِي دُونِث-ا، وَا ر نَتْمَنَغِي شا عِلَا حَسَاب اِيْسُوم، 4 س مِيْنِزِي زَسْنَا ح ن وُْمَنَغِي نَغ وَا ر دَجِيْن زَك وِيْسُوم، مَاشَا ثَوَا سَجْهَدَن زِي اَرَبِّي اِ وَا ر دَدَج ن زَسْوَار، 5 جِيْمَا اَذ نَارِثَر اِ حَارِيَصَن ذ مَارَا زُوْعْرَا اِ كَاغْدَن خ ثَمُوسْنَا ن اَرَبِّي وُشَا اَذ نَحْبَس مَارَا ثَا خَارِصْت اِ طَاعَت ن لَمَسِيح 6 وُشَا نَكَار مَاحِنْدَا اَذ نَنثَا قِم مَارَا زَمُوعْصِيْت خَمِي اِ غَا يِيزِي طَاعَت نَوْم ثَكَمَز.

7 مَا ثَحْرَام غَا ر ثَمْسَرَا يِن س وُذَم؟ مَارَا حَد اِ تَبَقْ ذَكْ يِيخَف نَس بَلِّي نَتَا ن لَمَسِيح، خَنِّي اَذ اِ حَارِص عَاوْذ سِيْمَانَت نَس، بَلِّي اَمَشْنَاو نَتَا ن لَمَسِيح اَمِّي عَاوْذ نَشِيْن ن لَمَسِيح اِ نَدْجَا. 8 مَاعَلِيك نَش مَارَا سَمَغَارَغ س شَوَا يْت ن وُفِيض كَنَار ذِي تَسْرِيح نَغ ثَنِّي اِ ذَا نَغ اِوَشَا اَرَبِّي اِ زَبْنِي، وَا ر اِ دِجِي اِ وَا ر دَدَج نَوْم، خَنِّي وَا ر تَصْضَحِيغ شا، 9 مَاشَا اِ تَخْصَا وَا ر ذ اوم اِ تَغْيِر شا اَذ كَنِيو سِيكُودُغ س ثَبْرَا يِن اِنُو. 10 مِيْنِزِي نِيْشِي قَا رَن ”ثِيْبَرَا يِن نَس قَسْحَنَت جَهْدَنَت، مَاشَا زَحَا ضَا ر نَبَاذَم س اَرِيْمَت اِ هِيْف وُشَا

اوازَن نَس تَواَسَحَقارَن. “<sup>11</sup> بناذَم اُمُو اَج اذِ اِفكارَ، اَقَا، اَم مامَس نَدجا نَشينِ ذَك  
 واواز س ثرائينِ مازا وار نَحضار، اُمُو اِ نَدجا س ثيذتِ خَبي اِ غا نَحضار.  
<sup>12</sup> مِينزِي وار نَزَعِيم شا اذِ نَحسبِ نَبِغ اذِ نَسْمَقُوذَا اِخف نَع اَك-ذ شا ن اِنِّي  
 اِسْمَغارانِ ذَك اِخف نَسَن. اَقَا نِيشِنِي وار فَهيمَن شا بَلِي نِيشِنِي عِبَارَن اِخف نَسَن س  
 يِخف نَسَن وُشا سْمَقُوذَان اِخف نَسَن س يِخف نَسَن. <sup>13</sup> ماشا نَشينِ وار نَسْمَغاري  
 شا بارَا اِ زَبار، ماشا علاَحسابِ زَبار ن واَزاي اِ ذ انغ اِوشا اَرَبِي اَمشَناو زَبار،  
 جِما اذِ كَنبو-د ناوِض. <sup>14</sup> مِينزِي وار نَتِيكُوِيض شا اِخف نَع غار سَنج ن طَارَف،  
 اَحَبِي وار غاروم-د نيويض، مِينزِي اَقَا نيوِض-د غاروم س زَخبار اَصْبَحان ن لَمَسِيح.  
<sup>15</sup> اَقَا وار نَسْمَغار شا اَم نَكا سَنج اِ زَبار س زَخدايم ن اِنْضَنِي، ماشا نَسِيشِم، وُمِي  
 اِمقار لايَمان نوم، اذِ نَتَواوَسع اَطاس زَايَوم ذِي تاسيَع نَع، <sup>16</sup> جِما خَنِي اذِ نَبارَح س  
 زَخبار اَصْبَحانِ ذَك اِموشان اَغِيرينِ خاوم، اَم وار نَسْمَغار شا ذِي مِين اِتَواكُن ذِي  
 تاسيَع ن اِنْضَنِي. <sup>17</sup> ماشا وِي اِخسَن اذِ اِسْمَغار، اذِ اِسْمَغار ذِي سِيذِي، <sup>18</sup> س مِينزِي  
 وار اِذِچي وُتي اِوِصانِ خ يِخف نَس، ماشا وُتي خاس اِوِصا اَرَبِي، اَقَا ذ وُتي اِتَوافن  
 ذ اَمقَدچِب.

### بُولوسِ ذِ اِمازانِ اِسْخارَبِقنِ

**11** <sup>1</sup> ماعليكَ اَكِيذِي ثَكْسِيم شوايْت ن تُوبُوهِزِيا، ماشا نِيشانِ اَقَا ثَحْمَرَم اَبِي.  
<sup>2</sup> مِينزِي شَطارَغ خاوم س اِشْت ن شَضارْت ن اَرَبِي، اَقَا خَضْبِع كَنبو اِ اِج  
 ن وِرياز، جِما اذِ كَنبو سَوجذغ اَم اِشْت ن نَعزارشْت تِيَزِدِيكَ اِ لَمَسِيح. <sup>3</sup> ماشا  
 كَوذغ، اَم مامَس اَفِغار س نَحرايَمشْت نَس تُوغا اِغَكُوا هاوا، اَمْنِي عاوذ اِ غا  
 تَواغوانِ اِخارِبَصَن نوم وُشا اذِ تَوافنِ زِي رَصفايْت اِ اِذِچانِ ذِي لَمَسِيح. <sup>4</sup> مِينزِي مازا  
 يُوَسِي-د حد اِتَبارَح س اِج ن يَشُو نَضَنِي خ وُتي خ تَبارَحغ نَش، نَبِغ مازا ثَقْبِرَم اِج  
 ن اَرُوح نَضَنِي وُتي وار ثَقْبِرَم شا، نَبِغ اِج ن زَخبار اَصْبَحانِ نَضَنِي وُتي وار ثَطْفِم  
 شا، اذِ ث ثَكْسِيم دَغيا. <sup>5</sup> نَش حَسْبِع اِخف اِنُو ذَك وَاو وار دَچِيع قَل اِ اِمازانِ نِي  
 اِمغارَن اَطاس. <sup>6</sup> واخا وار زَمارَغ اِ واواز، ماشا اِ ثَموسنا زَمارَغ وُ مان اِبا اِبان اوم-د  
 زِي مارَا اِغَرُذِيسَن وُ ذِي مارَا.

<sup>7</sup> نَبِغ خَضْبِع وُمِي تُوغا سَواضِعغ اِخف اِنُو جِما خَنِي كَنبو اذِ تَواشوعزام، اَم ذ اوم  
 بارَحغ س زَخبار اَصْبَحان س نَبِرا؟ <sup>8</sup> اَقَا كَشَضِعغ ثَمسَمُونينِ نَضَنِي اَم خاسنَت طَفغ  
 نَحْرِيصْت جِما اذِ سَخارَغ اِ كَنبو. <sup>9</sup> وُشا وُمِي تُوغا حَضارَغ اَكِيذوم وُشا تُوغا ذايِي

زَخْصَص، وار بَسْرَغ وُزَا خ حد، ماشا مین ذ ایی اِحْصَن، عَمَّارَن ت واومائن اِنِّي  
 ا د یوسین زي ماسیدونینیا وُشا حَضِیغ اِخْف اِنُو ذِي مَارًا ماحنذ وار خاوم تَبَسْرَغ  
 وُشا اُمُو اَذ قِیْمَغ حَضِیغ اِخْف اِنُو. <sup>10</sup> نِیذَت ن لَمَسِیْح اَقَا-ث ذایي، اَقَا اَسْمَغَار-ا وار  
 ذ ایی اِمْنَع ذِي جَوایِح ن اَخایا. <sup>11</sup> مایمِی؟ ما مینزِي وار کَنیو تخسغ؟ اَرَبِي اِسْن.  
<sup>12</sup> ماشا مین تَكْغ نَش، اَذ قِیْمَغ تَكْغ ت خَنِّي، حِیْمَا اَذ كَسْغ تِیْرِي ن اِنِّي اِ اَرزُون  
 لُورُصَا، ماحنذ نِیْشِي، ذِي مین ذِي سَمَغَاران، اَذ بانن اَمَشْنَاو نَشِین. <sup>13</sup> مینزِي ذَكَّا  
 ذ اِمازانن اِسْخَارِیْقَن ذ اِخْدَامَن اِسْمَائِن اِنِّي اِتْكَن اِخْف نَسْن اَخْمِي ذ اِمازانن ن  
 لَمَسِیْح. <sup>14</sup> وار اِدْجِي ذ اَتْبَهْت مینزِي وُزَا ذ شَیْطَان اِتْكَن اِخْف نَسْن اَخْمِي ذ لَمالاک  
 ن ثَفَاوْث. <sup>15</sup> اُمُو خَنِّي وار اِدْجِي ذ ثامسزاشث ثامقرانت، مازا عاوذ اِمَسْخَارَن نَسْن  
 تَاران اِخْف نَسْن ذ اِمَسْخَارَن ن نَسْكَذَا، اِنِّي ثانْكَارُوْث نَسْن اَذ تِیْرِي علاحْساب  
 زَخْدایِم نَسْن.

### اَوْدَب ن بُولُوس

<sup>16</sup> قَارَغ اِ اُمُور نَضْنِي، وُزَا ذ اِجَن مَّا اَذ اس اِتْغَبِر اَقَا-يي ذ اَبُوهازِي. مازا وار اِدْجِي  
 اُمُو، قَبْرَم اَبِي اَمَشْنَاو اَبُوهازِي ماحنذ خَنِّي عاوذ نَش اَذ سَمَغَارَغ شَوایِث ذَكَّ اِخْف  
 اِنُو. <sup>17</sup> مین سَاوَزَغ، وار ت قَارَغ زي سِیْدِي، ماشا كِیْغ ت س تُوْبُوْهَزِیا نَشِي ذ  
 ذَساس ن وُسْمَغَار اِنُو اِ ذِي تِیْقَغ. <sup>18</sup> وُیْمِي خَنِّي ذِین اَطَّاس اِنِّي اِسْمَغَاران علاحْساب  
 اَیْسُوم وُزَا ذ نَش اَذ سَمَغَارَغ. <sup>19</sup> مینزِي كَنیو تَقَبْرَم مَلِیْح اِبُوهازِیْن اَم تَدْجَام ذ  
 اِمِیْغِیْسَن. <sup>20</sup> اَقَا تَقَبْرَم مازا حد اِتَارَا كَنیو ذ اِسْمَغَان، مازا حد اِتَت اِ كَنیو، مازا حد  
 اِتْكَس اُوم مین غاروم، مازا حد اِسُوعَزَا اِخْف نَسْن خاوم، مازا حد اِسْمَدَارْضار كَنیو.  
<sup>21</sup> س زَعَار قَارَغ، اَقَا نَشِین تُوْغَا نَضْعَف اَطَّاس اِ ماناوْتِي. ماشا مازا حد اِزْعَم، اَقَا  
 نَش سَاوَزَغ اَم وُْبُوْهازِي، عاوذ نَش زَعْمَغ. <sup>22</sup> ما نِیْشِي ذ اِعِیْبَرانِیْن؟ وُزَا ذ نَش. ما  
 نِیْشِي ذ اِسْراییْلِیْن؟ وُزَا ذ نَش. ما نِیْشِي ذ زَارِیْعَت ن اِبْرَاهِیْم؟ وُزَا ذ نَش. <sup>23</sup> ما نِیْشِي  
 ذ اِمَسْخَارَن ن لَمَسِیْح، نَش عاذ ماھُو، واخا نَش سَاوَزَغ اَم وْتِي اِتْخَرْفَن. كِیْسِیْغ  
 ثامارا ماھُو، شَیْغ تِیْیِشَا نَبْرَا زَقِیْاس، تُوْغَا-يِي ذِي زَحْبَس اَطَّاس ن اِمُورَن وُشا تْرِیْغ  
 زَمُوْث اَطَّاس ن تُوْازاوِیْن. <sup>24</sup> وْتِیْن اَبِي وُذایِن خَمْسَا ن تُوْازاوِیْن س وُرْكَوْض س  
 اَرَبِیْن ن تِیْیِشَا قَلْ اِشْت <sup>25</sup> وُشا تْرُاثانن اِمُورَن وْتِیْن اَبِي س وُكْشُوض، اِشْت ن تُوْازَا  
 حَجَّارَن اَبِي، تْرُاثانن تُوْازاوِیْن یارَز زَايِي وُغَارْاَبُو، دَجِیْرَت ذ وُزِیْز ذ اَقْتُوس تُوْغَا-يِي  
 ذِي زَبُوْغاز. <sup>26</sup> تُوْغَا-يِي ذَكَّ وِرْیْد اَطَّاس ن تُوْازاوِیْن، ذِي لَخاطارَن اِغْزْران، ذِي

لخاطار نِ إِشْفَارِن، ذِي لِخاطار نِ يَبِّي نِ زَكْسِنِ اِنُو، ذِي لِخاطار نِ يَبِّي زِي زَكْسُونِ  
 نَضْبِي، ذِي لِخاطار نِ ثَنْدِينَت، ذِي لِخاطار نِ زَحْزَا، ذِي لِخاطار نِ زُبْحَار، ذِي  
 لِخاطار نِ جَارِ اَوْمَانِنِ اِسْحَارِيَقِن، <sup>27</sup> ذِي زَحْدَمْتِ ذِ ثَامَارَا، ثُوغَا-يِي ذِي دُجِيَايِي  
 نَبْرَا اِضْصِ اَطَّاسِ نِ ثُوَاوِينِ، ذِي زَاژِ ذِ ثُوَفَاذِي، وَشَا اَطَّاسِ نِ اِمُورِنِ اِ رُومُغِ، ثُوغَا-  
 يِي ذِي ثَسْمُضِ ذِ ثُوَعَارِينَتِ <sup>28</sup> وَشَا عَاذِ وَا رِ سُوَزِغِ شَا خِ زَهْمِ نِ كُوَزِ اَسِ، اَقَا-ثِ  
 ذِ اَمُنُوسِ اِنُو اِ مَارَا ثِيمِسْمُونِينِ. <sup>29</sup> مَارَا حِدِ اِضْعَفِ، مَا وَا رِ تَبْرِيغِ وَزَا ذِ نَشِ ضَعْفِغِ؟  
 مَارَا اِثُوَاَسْحِيَقِ حِدِ زِي شَا نِ وَنْدَرِفِ، مَا نَشِ وَا رِ شَمْضِغِ؟  
<sup>30</sup> مَارَا اِثْخَصَّ اَذِ اِثُوَاَسْمِغَارِ، اَذِ سَمِغَارِغِ ذِي ثُوَضْعَفْتِ اِنُو. <sup>31</sup> اَرَبِّي، ثَابَابَاثِ نِ  
 سِيذِيئِنِغِ يَشُو لَمْسِيحِ، وَايِ اِثُوَابَارِكِنِ اِ زَبْدَا قَاعِ، اِسْنِ اَقَا نَشِ وَا رِ سَحَارِيَقِغِ شَا.  
<sup>32</sup> زِحَاكَمِ نِ وَجِدْجِيذِ اَرِينَاَسِ ذِي ذِيْمَاشِقِ ثُوغَا اِحْطَا ثَانْدِينَتِ نِ اِذِيْمَاشَقِيئِنِ، يَارْزُو  
 اَذِ اِييِ اِطْفِ، <sup>33</sup> وَشَا سَكْنِ اِييِ-دِ زَكِ اِجِ نِ زَكَزِي، سَهْوَانِ اِييِ-دِ خِ زِحِيضِ،  
 اَرُوَزِغِ زَكِ اِفَاَسْنِ نَسِ.

### رُوحِي نِ بُولُوسِ

**12** اِسِ صَاحِ اَسْمِغَارِ وَا رِ ذِ اِييِ اِنْفَعِ شَا، مَاشَا اَذِ دِ اَسْغِ سِ اِوْحَانِ ذِ  
 اِسَارِكَاثِنِ نِ سِيذِي. <sup>1</sup> اَقَا سَنَغِ اِجِ نِ بِنَاذِمِ ذِي لَمْسِيحِ، ثُوغَا اَرَبْعَاثِ  
 اِسْكُوسَا زَكِ وَايِي، مَا ثُوغَا ذِي اَرِيْمْتِ نِيغِ بَارَا اِ اَرِيْمْتِ، وَا رِ سِينِغِ شَا، اَرَبِّي  
 اِسْنِ، وَشَا وَايِنَا اِمَكْسِييِ غَارِ وَجِنَا وَيَسْ ثَرَاثَا. <sup>2</sup> وَشَا سَنَغِ بَلِي بِنَاذِمِ نِي، مَا ثُوغَا  
 ذِي اَرِيْمْتِ نِيغِ بَارَا اِ اَرِيْمْتِ، وَا رِ سِينِغِ شَا، اَرَبِّي اِسْنِ، <sup>4</sup> اَقَا اِمَكْسِييِ غَارِ جَنْثِ  
 مَانِي اِسْرَا اَوَاژِنِ اِنِّي وَا رِ اِزْمَارِ اَذِ ثُوَانَطَقِنِ، اِنِّي وَا رِ اِحْدِجِرِنِ اِ بِنَاذِمِ اَذِ ثِنِ اِنطِقِ.  
<sup>5</sup> زِي وَايِنَا اَذِ سَمِغَارِغِ، وَا رِ سَمِغَارِغِ شَا ذِكْ اِخْفِ اِنُو مُغْيِرِ ذِي ثُوَضْعَفْتِ اِنُو.  
<sup>6</sup> مَاشَا مَارَا خَسِغِ اَذِ سَمِغَارِغِ، وَا رِ تَبْرِيغِ ذِ اَبُوَهَازِي، مِينَزِي اَذِ اِنِيغِ ثِيذَتِ. خَنِّي  
 اَذِ ثِ جِغِ جِيْمَا وَزَا ذِ اِجِ وَا رِ خَافِي اِثْخَارَاَصِ مَامَشِ دُجِيغِ، سَنَجِ مِينِ زَايِي  
 اِزْرَا نِيغِ سَنَجِ مِينِ زَايِي اِسْرَا <sup>7</sup> جِيْمَا وَا رِ ثُوَاَسْكِيَعْدِغِ شَا زِي سَبِيئِ نِ طَبِيْعَتِ  
 بُوَعْرَانِ نِ اِسَارِكَاثِنِ نِي، اِمُوشِ اِييِ اِجِ نِ وَسْتَانِ ذِكْ وَيَسُومِ، اَقَا-ثِ ذِ لَمَالَاكِ  
 نِ شَيْطَانِ اِ ذِ اِييِ اِشَاثِنِ سِ رُبُونِيَاثِ مَاحِنْدِ وَا رِ تَسْكِيْعِيذِغِ شَا اِخْفِ اِنُو. <sup>8</sup> ثَرَاثَا  
 نِ ثُوَاوِينِ تَارِغِ سِيذِي اَذِ خَافِي ثِ اِسْكُوجِ. <sup>9</sup> وَشَا نَتَا اِنَا اِييِ "اَقَا نِيْعَمْتِ اِنُو  
 ثَشْفَا، مِينَزِي جَهْدِ اِنُو اِثُوَاَكْمَرِ ذِي ثُوَضْعَفْتِ." خِ وَبِيئِي اَقَا مَلِيحِ مَارَا سَمِغَارِغِ  
 ذِي ثُوَضْعَفْتِ اِنُو، جِيْمَا اَذِ ذَايِي اِزْدِغِ جَهْدِ نِ لَمْسِيحِ. <sup>10</sup> خِ وَبِيئِي اَرَضِيغِ سِ

تُوَضْعَفْث، س تُوَوارِث، ذِي زَعْبِن، ذِكْ وُمارِث، ذِي ضَيْقات ذِي طَوْع ن  
لَمْسِیح، مِینِزِي خَمِي ضَعْفَع، زَخْدَنِي نَش جَهْدَغ.

### تاسخارث ن بولوس اِکُورینِشِین

11 اَقَا دُوزْغ ذ اُبُوهازِي، کَنیو ثحصارم اَبِي غارس، مِینِزِي تُوغا اِتْخَصْ اِ کَنیو اَذ ابي  
تُقَدَّارم، مِینِزِي وار دَجِیغ قَلِّ وُزا ذِكْ اِشْت ن زَحاجت زَكْ اِمازان نِي اِمغارن،  
واخا نَش ذ وَاو. 12 اَقَا تُوَاکْت جاراوم مارا زَعزَومات ن وُمازان، س مارا صَبَار،  
س زَعزَومات، س لَمُوَعَجِزات وُزا س زَعجایب. 13 ما ذِي مین ذِي کَنیو جِیغ غار  
ضَفَّار خ تَمسُومِین اِنْضِني مُغیر ذِي مین ذِي نَش وار خاوم بَسْرَغ؟ سامحم اَبِي  
خ وُخَطو-یا!

14 اَقَا ذَا، زَخُو ذ ناوازا وِسْ ثوانا اَقَا-بِي وَجْدَغ حِیما اَذ غاروم-د اَسْغ وُشا وار  
خاوم تَبْسِیغ، مِینِزِي وار اَرزُوغ مین نوم، ماشا اَرزُوغ خاوم کَنیو. مِینِزِي وار ذ تُوَسِي  
اِ اِحْجِرِن اَذ حَمَزَن اِ لوالیدین نَسن ماشا لوالیدین اِ اِحْجِرِن نَسن. 15 وَجْدَغ س  
زَفْراحت اَذ سَبْرَغ اِحْف اِنُو وُشا اَذ تُواسَبْرَغ ذِي طَوْع ن زَعمار نوم. ما کُورْغ اَذ طَفْغ  
دُروس ن ثائیري مازا وُشِیغ اوم ثائیري س واطاس؟ 16 اِوا اُمُو، اَقَا وار خاوم بَسْرَغ، ماشا  
تُوغا-بِي ذ اَقْدَاش، طَفْغ کَنیو س ثَحرايمِشْت. 17 ما نَش سْتَنْفَع زَايُوم س شَا ن اِجْ ن  
بِنِي تُوغا اِ غاروم-د سَكْغ؟ 18 تارغ تِیْئوس وُشا سَكْغ-د اَكِيس ثاوماث. ما یارِیح تِیْئوس  
زَايُوم؟ ما وار تُوَیور شَا س اَرُوح ذ اِجْن ذ اِسُورَاف ذ اِجْن؟ 19 ما اِنْعِیز اوم عاوذ بَلِي نَشِین  
نَسْرَقَا خ بِيخف تَغ زَايُوم؟ اَقَا قِیباتِش اِ اَرَبِي ذِي لَمْسِیح اِ نَساواز وُشا مان اِیا مارا، اِ  
اِمعِیزَن، خ سَبِیْت ن زَبْنِي نوم. 20 مِینِزِي اَقَا کُودْغ خَمِي اِ ذ غَا اَوْضَغ وار کَنیو تِیغ  
شَا اَم مامش حَسْغ وُزا وار ذايي-د تِیغَم شَا اَم مامش ثَحْسَم. بالاک اَذ اِزِین اِمْنَعان،  
زَحْسَد، تافقاحت، اِمشُوبَشِن، اَشَقْف، تاخبارجِشْت، نَفاخْت وُزا ذ اِخارِویضِن،  
21 بالاک خَمِي اِ د غَا یاسغ تُوَازا نَضِني، اَرَبِي اَذ اِبي اِسَواضِع وُشا کُورْ اَذ شَضْنَع خ  
واطاس ن بِنِي اِحْضان، وار تُوَین شَا زِي زَحْمَج ذ تُوَقْحِیْت ذ وُفُوْشَح اِ کَنِن.

### اَعْرَام اَنكَارُو

13 اَقَا ثَا ذ ناوازا وِسْ ثوانا اِ ذ غاروم-د تاسغ. س وُفْمُوم ن ثناین نیغ ثوانا ن  
رَشْهُود اَذ تُوَاکْس وَاواز. تَبْیغ ت قَبْر وُشا نَبِغ ت قَبْر اَحْمِي تُوغا-بِي اَكِيدُوم  
وِسْ مارثاین، وُشا زَخُو، وُمِي غایغ، تارِیغ ت اِ بِنِي اِحْضان قَبْر وُ اِ مارا اِنْضِني،

بَلِّی، مازا وُسیغ-د ئاوازا نَضْنِی، وار اَرْحَمَغ شَا. <sup>3</sup>خَنِّی ئارزُوم لِبُورْهَان بَلِّی اَقَّا لَمَسِیْح  
اِذ اِبِی اِسْاوازِن، وَنْی وار اِضْعِیْفَن ذایوم، ماشا اَقَا-ث اِجْهَدْ ذایوم. <sup>4</sup>مِیْنِزِی واخَا نَتَّا  
اِنْواصَلْب زِی ثُوْضَعْفَتْ، اَقَّا اِدَّار س جِّهْد ن اَرْبِی. مِیْنِزِی وُزَّا ذ نَشِیْن اَقَّا نَضْعَف  
ذایس، ماشا اَذ کِیْس نَدَّار اِکْنِیو زِی جِّهْد ن اَرْبِی.

<sup>5</sup>قَدْجِم اِخْف نَوْم، ما اَقَّا کَنْیو ذِی لِایْمَان، اَرْزُوم اِخْف نَوْم. ما وار تَسْیِنَم شَا  
زَك اِخْف نَوْم بَلِّی یَشُو لَمَسِیْح اَقَا-ث ذایوم، نِیغ اَقَّا کَنْیو وار نَتْواقَدْجِم شَا؟ <sup>6</sup>ماشَا  
سَیْیِیْمِغ اَذ تَسْیِنَم بَلِّی وار نَدَجِی وار نَتْواقَدْجِب. <sup>7</sup>تَتَّارِغ اَرْبِی ما حَنْد وار تَتْکَم شَا  
مِیْن اِدْجَان ذ اَعْفَان، وار اِدْجِی جِیْمَا نَشِیْن اَذ نَبَان ذ اِمَقْدَجَابِن، ماشا جِیْمَا اَذ  
تَتْکَم مِیْن اِدْجَان ذ اَصْبِحَان، واخَا نَشِیْن نَبَان اَحْمِی وار نَتْواقَدْجِب. <sup>8</sup>مِیْنِزِی نَشِیْن  
وار نَزْمَار وَاوْ ضِیْد اِئِیْدَتْ، ماشا اِئِیْدَتْ وَاه. <sup>9</sup>مِیْنِزِی نَشِیْن نَفَارَح زَامِی نَضْعَف وُ  
کَنْیو تَجْهَدَم. وُشَا نَتَّادْجَا عَاوْذ اِزْکَمَاژَتْ نَوْم. <sup>10</sup>خ وُیْنِی تَارِیغ اَوْم-د مان اِیَا زِی  
زَاکْوَاج، ما حَنْد، خَمِی اِغَا حَضْرَاغ، وار تَقْسِیْعِغ شَا عِلَا حَسَاب صُولَطَا اِذ اِبِی  
اِوْشَا اَرْبِی اِزْبِی، وار اِدْجِی اِوْارْدَدْج.

### اَسْدَجِم اَنْکَارُو

<sup>11</sup>اِغَار وُنْکَارُو، اَأُوْمَانِن، فَاَرْحَم، عَدَزَم اِخْف نَوْم، فَوَجَم خ اِخْف نَوْم، خَاَرْصَم  
س اِج ن وُخَاَرْص، اِزِیْم ذِی زَهْنَا وُشَا اَرْبِی ن ثَاِیْرِی ذ زَهْنَا اَذ کِیَوْم یِیْزِی.  
<sup>12</sup>سَدْجِم اِجْن خ وَنْضِیْنِ س وُسُوْذَم اِقْدَسْن. <sup>13</sup>مَارَا اِمَقْدَّاسِن تَسْدَجَامِن خَاَوْم.  
<sup>14</sup>تِیْعَمْت ن سِیْذِی یَشُو لَمَسِیْح ذ ثَاِیْرِی ن اَرْبِی ذ ثَمُوْنَتْ ن اَرْوَح اِقْدَسْن اَذ  
اِزِیْن اَکِیْذَوْم مَارَا. اَمِیْن.